



MINNISBLAÐ

Viðtakandi: Skóla- og frístundaráð

Sendandi: Helgi Grímsson, sviðsstjóri skóla- og frístundasviðs

Efni: Ráðning í stöðu leikskólastjóra í Garðaborg

Starf leikskólastjóra í Garðaborg var auglýst á vegum Reykjavíkurborgar til umsóknar á vef borgarinnar undir auglýsingum um laus störf og í Fréttablaðinu 14. september 2019 í samræmi við 2. gr. í fylgiskjali 4, um réttindi og skyldur starfsmanna Reykjavíkurborgar í kjarasamningi LN og KÍ vegna FSL. Umsóknarfrestur var til og með 30. september 2019. Ráðið verður í leikskólastjórastöðuna frá og með 1. janúar 2020.

Í auglýsingu var meginhlutverki leikskólastjóra í Garðaborg lýst þannig:

- Vera faglegur leiðtogi leikskólans og móta framtíðarstefnu hans innan ramma laga, reglugerða, aðalnámskrár og stefnu Reykjavíkurborgar.
- Bera ábyrgð á daglegu starfi í leikskólanum.
- Skipuleggja foreldrasamstarf í samvinnu við foreldra og starfsmenn.
- Hafa yfirumsjón með innra mati á starfi leikskólans og umbótaáætunum.
- Hvetja til þróunar og nýbreytni í leikskólastarfi.
- Stýra rekstri leikskólans á grundvelli fjárhagsáætlunar.
- Bera ábyrgð á starfsmannamálum, svo sem ráðningum, vinnutilhögun og starfsþróun.
- Skipuleggja tengsl skólans við ýmsa samstarfsaðila.

Í auglýsingu um starfið voru eftirfarandi menntunar- og hæfniskröfur gerðar til umsækjenda:

- Leikskólakennaramenntun og leyfisbréf leikskólakennara.
- Viðbótarmenntun í stjórnun eða kennslureynsla á leikskólastigi.
- Reynsla af stjórnun æskileg.
- Stjórnunarhæfileikar og vilji til að leita nýrra leiða.
- Þekking á rekstri, áætlanagerð og fjármálastjórnun.
- Lipurð og hæfni í samskiptum.
- Sjálfstæði og frumkvæði.

Óskað var eftir að umsækjendur skiluðu greinargerð um framtíðarsýn sína á starf í leikskólanum með umsókninni.

Tveir sóttu um leikskólastjórstöðuna. Umsækjendur eru Anita Akut og Elín Björk Einarsdóttir.

Við ákvörðun um ráðningu var byggt á kröfum sem fram komu í auglýsingu.

Niðurstaða:

Þann 30. október 2019 gerði skrifstofustjóri fagskrifstofu leikskólamála sviðsstjóra grein fyrir niðurstöðu ráðningarteymisins. Við mat á umsókn og ráðningarviðtali var niðurstaðan að Elín Björk Einarsdóttir væri hæfust til að gegna stöðu leikskólastjóra í Garðaborg.

Ákvörðun sviðsstjóra er að ráða Elínu Björk Einarsdóttur leikskólastjóra við leikskólann Garðaborg frá 1. janúar 2020.

Elín Björk lauk B.Ed. gráðu í leikskólakennarafræðum frá Kennaraháskóla Íslands 2007 og MS gráðu í mannauðsstjórnun frá Háskóla Íslands 2014. Hún hefur starfað sem deildarstjóri í leikskóla í 11 ár og sem aðstoðarleikskólastjóri í eitt ár. Elín Björk hefur m.a. tekið þátt gerð skólanámskrár og starfsáætlunar leikskóla og skipulagt deildarstarf og hefur sýnt mikið frumkvæði og faglegan metnað í störfum sínum. Hún hefur öðlast góða innsýn í starf stjórnanda í leikskóla og hæfni hennar og stjórnunarhæfileikar er staðfest af umsagnaraðilum.